

衢州文獻集成

〔史部〕

第
64
冊

衢州文獻集成

黃靈庚

諸葛慧艷

主編

〔史部〕

第
64
冊

國家圖書館出版社

(清)余錫纂修

「康熙」江山縣志十卷
(缺卷一至三)

清抄本

「康熙」江山縣志十卷（缺卷一至三） 提要

清余錫纂修。錫字九如，號舟安，國賓之孫，本衢州西安人，順治十三年拔貢。九如遵其父遺命，贅徐日葵家，因附籍江山。據康熙辛巳《江山縣志》朱長吟跋語稱，「訪有康熙癸亥余君錫纂修抄稿」。可見康熙二十二年余錫所修《江山縣志》，並未刊行。今國家圖書館存有清抄本《江山縣志》，僅存七卷，缺卷一至三，不題纂修者。此本正文前有識語曰：「按《通志》內《經籍十三》載，《江山縣志》十卷，康熙癸亥邑人余錫修」。查此志內容事跡均止於廿二年，且係十卷，應認為康熙余《志》無疑。《浙江通志》載有余錫此志，識者由此本內容推斷為余氏所修，無誤。此本卷四至卷十依次為秩祀志、國計志、人物志（上、下）、藝文志（上、下）、雜記志，其《藝文志》中有余錫《邑候見田余公甘棠遺愛序》《募建城隍廟疏》文兩篇和《次題韻》等詩四首。較之「天啓」《縣志》，余氏將「籍賦志」改稱「國計志」。此志除增補天啓至康熙間史事外，其他內容多照錄天啓舊志而不加修改。由於天啓


《志》有所殘缺，此志所存相關內容可補其闕。余《志》雖未刊行，但其所載明末清初內容爲後志所采。此書據清抄本影印。

第六四冊目錄

〔康熙〕江山縣志十卷（缺卷一至三）
（清）余錫纂修
清抄本
..... 一

〔康熙〕江山縣志十卷（卷一至五）
（清）朱彩等纂修
清康熙四十年（1701）刻本
..... 三八七

按通志內經籍十三載江山縣志十卷康輿癸亥
邑人余錫修查此志內容事蹟均止於康輿廿二
年且係十卷應認爲康輿余志無疑



江山縣志卷之四

秩祀志

周禮以祀禮教敬則民不苟洋洋秩祀典詎不重哉要必有儀以表之有畧以將之又春秋以尸祝之凡以一民志昭弗諼也至若寺觀菴院興廢不一或以培土脉或以相烝民由來既久法得並載志秩祀

內分公儀

城隍

生祠

寺觀

凡四

公儀 祭畧附

人生在三昭事必謹故儼天顏于咫尺晤先哲於



羹墻天之制亦禮之經也若隕越貽羞倚徙以臨
昭事之謂何違禮者必不然矣

凡遇

聖誕正旦冬至先一日設儀仗前導

龍亭於寶成寺知縣率寮屬糧里老及僧道具朝服
習儀至日如制行慶

賀禮於縣堂

凡開讀

詔勅縣官率寮屬師生里老僧道行如

朝賀禮

凡日蝕縣官具朝服行護日禮於縣月臺上月蝕具常服行如日蝕禮

鞭春之先一日縣官糧里老迎春於寶成寺詣縣大門內儀門左角東面設香案居羊神於牛之左合揖而退次辰具吉服行鞭春禮

祀

先師孔子及四配十哲從祀諸賢廟在學宮歲以春秋二仲上下日致祭先日送祭品用鼓樂前導縣

官省牲習儀觀禮至日具祭服如制行祭禮遇朔
望縣官備香燭率師生行恭謁禮

祀

啓聖公及配享先賢祠在學宮左側俱於上下日行
禮如制

祀名宦祠

名宦諸令長祠在戟門左俱于上丁祭畢舉行儀
物如制
祝文於惟群公者吏茲土愷悌循良民
之父先正之祀後入之儀時維仲
謹以牲醴庶
鑑用申常祀

祀鄉賢祠

鄉賢諸先正祠在戟門右俱于上丁祭畢舉行儀

物如制

祝文於惟群公仔肩當世道德文章忠貞節義光照古今氣塞天地景行先哲

風化攸係

時維

仲謹

以牲醴庶饗用申常祀

鄉飲酒禮每歲正月望十月朔縣官就學明倫堂

如制舉行賓介必肅有德行之人

祀逸平先生祠 今廢

逸平徐先生諱存祠在步鰲山每歲以二仲上已

日祭山川畢舉行

正德十四年知縣吳仲撥民田五畝供祀止足春祀之用

嘉靖廿一年知縣黃綸增定祭儀復買田五畝
以充秋祀每祭猪一口五十斤羊一羴二十五
斤菓五盤酒一尊香紙燭一副二祭共銀叁兩
一錢萬曆間知縣易敬之訪先生之後僅二人
己削髮為僧亟召還出俸銀要配改名曰紹昌
繼昌奉祀祀文惟公醇手正學伊洛真傳卓哉
名行比斗在懸訓釋六經啓沃多士有功名教
深藏不市維茲仲謹以牲醴庶饌用申常祀
祀正節先生祠 今廢

正節徐先生諱應鑣及二男琦崧女元娘祠在北

門外每歲以二仲上戊日祭社稷畢舉行 正德

知縣吳仲撥田五畝供祀嘉靖廿一年知縣黃
綸增田五畝充之祭儀與逸平同祝文惟公父
子伏義死于綱常英風烈氣日月爭光祠宇
屹然儀容儼爾俎豆萬年高山仰止尚饗

祭器 今俱不存

大銅爵 三個

小銅爵 九十個

磁爵 七十個

磁酒海 五個

磁登磁鐘 二十個

簋豆 二百五十個

木簋簋 九十個

香爐花瓶 一副

錫大香爐 一個

錫小香爐 八個

大錫臺 一對

小錫臺 八對

聖人前幔帳

黃紬帳

紅布帳

卓衣 共七副

城隍祠

即隆之世雨暘時若雖協氣使然亦鬼神默有以相之也築城浚隍肇自上古爰有神以司之以理

邑之陰散實與令長谷陽同義神所憑依能勿齋
板以告虔與

城隍神每月朔望縣官率寮屬行參謁禮新官到任
先一日齋戒宿廟次早吉服祭神畢詣縣行蒞任
禮凡遇雨暘愆期縣官素服率寮屬行香令僧道
諷經祈禱乃止廟在縣西五十步宋紹興間知縣
魯訢重建咸淳間趙時韶重脩元大曆三年縣尹
程卹重建明嘉靖間知縣侯祖德重建歲久棟宇
腐朽兩旁隙地又為附近居民侵佔萬曆十年知

縣易倣之造省心亭於正殿後十九年知縣張斗

重建大門三十八年知縣程鵬舉捐俸壹伯兩率

義民鄭煦徐實王應春王脩毛通徐察毛元福等

各捐資并募緣買贖兩傍蝕地東北俱隣學宮西

臨縣河構材採石鼎新創造規制宏敞採畫整飾

煥然改觀

大門一所前廳一所左邊觀音堂右邊程公祠左右廊各三間正殿一所左右

小廳各一所省心亭一所後殿三所左右兩廊各六間外邊左右店各三間通年取賃以充脩理

國朝後殿兩廊漸圯康熙十七年正殿及左右廳堂

廊廡俱燬僅存廟門以棲神像湫隘逼近街市曩